

DE
COMPARATIVA SANGVINIS
IN DIVERSIS VASIS CELERITATE

DISSERTATIO

QVAM

SVMMI NVMINIS AVSPICIO
ACADEMIAE FRIDERICO ALEXANDRINAE
RECTORE MAGNIFICENTISSIMO
SERENISSIMO PRINCIPE AC DOMINO

DOMINO

CHRISTIANO FRIDERICO
CAROLO ALEXANDRO

MARGGRAVIO BRANDENBURGICO PORVSSIAE
SILESIAEQVE DVCE BVRGGRAVIO NORIMBERGENSI
VTRIVSQVÆ PRINCIPATVS REI. REL.

EX DECRETO GRATIOSI ORDINIS MEDICI

SVB PRÆSIDIO

D. IO. CHRISTIANI DANIELIS SCHREBERI

SERENISS. MARCOR. BRAND. ONOLD. ET CVMB. CONSIL. AVL.
MEDICOTAN. ET OECON. PROF. PVBL. ORD. FAC. MED. H. T. DECANI

PRO GRADV DOCTORIS

SVMMISSQVE IN-MEDICINA HONORIBVS PRIVILEGIIS
ET IMMUNITATIVIS LEGITIME OBTINENDIS

D. IAN. elcincclxxv.

PVBLCO ERVDITORVM EXAMINI SVBMITTET

AVCTOR

IOANNES LEONARDVS MA

PHIL. M.

WEICKERSHEMIO HOHENLOICVS.

ERLANGAE

TYPIS VIDVÆ CAMERARIAE.



ROEDERER *clen. art. obstetr. cap. V. §. 114.*

Creaturarum determinatae in oru periodi, ex causis cognoscendae,
nos latent, quoniam rationem resistentiarum ad vires impellentes nume-
ris exprimere non licet.

SERENISSIMO
S. R. I. PRINCIPI AC DOMINO
DOMINO
LVDOVICO FRIDERICO
CAROLO

PRINCIPI HOHENLOICO

COMITI DE GLEICHEN,
DOMINO IN LANGENBURG ET CRANICHFELD.

ORDINIS REG. POLON. AQVILAE ALBAE
EQVITI etc.

PRINCIPI AC DOMINO SVO
CLEMENTISSIMO

HANC SVAM
INAVGVRALEM DISSERTATIONEM
SACRAM FACIT

subditorum humillimus
IOANNES LEONARDVS MAX.



DISSERTATIO PHYSIOLOGICA

DE

COMPARATIVA SANGVINIS IN DIVERSIS VASIS CELERITATE;

§. I.

Matheseos in medicina utilitas.

Quantum ex mathematicum diligentiori cultura incrementi ceperit res medica, quantumque e contrario ex horum neglectu detrimenti nobilis ars reportauerit, nemo facile est qui ignoret, nisi rerum in ea hinc inde ab eius initio ad nostra vsque tempora gestarum plane rudis atque imperitus. Scientiae enim nostrae fata periodosque attenta mente reuoluentibus, haud difficulter elucescet, eandem mathefeos non tantum, sed et totius sanioris philosophiae, atque medicinae, fortunam, ob

summam, quae inter vtramque intercedit, adfinitatem, fuisse. Nam perditis illis densaque ignorantiae caligine obuolutis temporibus, vbi tricae scholarum nugaeque solidiorem philosophiam abegerant, medicinae quoque fertiles campos spinæ obruerant, haud prius inde secernendae, quam et istis auerruncatis, noua puriorque naturalis scientiae facies fuerit restituta. Quam vero largiter symbolum ad hoc contulerit dimensionum scientia, ille demum penitus perspiciet, qui, praeter rerum praeteritarum testimonia, ex ipsa eius natura colligere valet, quantum ea, tum ad animum in cogitando dirigendum, tum ad rerum corporearum qualitates mutuūque habitum adcuratus determinandum conducatur. Egregia sunt, quae hac super re diuvs Couis noster dissevit, cum in epistola ad filium; a) “ad cognoscendam geometriam, ait, et numerorum scientiam, multum studii adhibeto: non enim solum vitam tuam illustrem et ad multa commodam in humanarum rerum statu efficient, sed etiam animam acutiorem reddent, ad omnium quorum vsus in medicina expetitur, vtilitatem consequendam.”

§. II

Eius adplicatio restringenda.

Verum vno ab errore redeuntibus cauendum est, ne in alterum incidamus, et quaecunque in arte nostra obuia ad calculum redigere, ac demonstrare velimus, cum plurima ex natura sua amissim mathematicam non ferant. Sed iuxta illud Horatii b)

Est modus in rebus, sunt certi denique fines,
Quos vitra citraque nequit consistere rectum;

medio, simulque tuto tramite incedamus. Adplicemus mathematicam, vbi iuuat; relinquamus, vbi impedit. Multa quidem de motu

a) Oper. omn. edit. Froben. p. m. 702.

b) Sat. I. L. I.

motu tum solidorum tum fluidorum corporis humani ad eius leges reuocari possunt; plura vero nimiam aeribiam respuunt. Machina nostra non mere mechanicum quid est; nerui sunt, quos nemo vnquam geometra legibus suis subiecit. Nonne in inflammatione, a sanguine per aperta vasa celerius actio, renisu in obstructis maiore, pulsus eidem proprium deducunt? immemores, paruas saepe, ast profundas oculorum auriumque inflammationes vehementissimarum febrium causas extitisse.

§. III.

Præsentis materiæ fata.

Atque talia quidem, ea inprimis, quam adgredimur, materia perpeffa est. Diu ob experimentorum defectum ignorata; detecta tandem, ob adcuratius in naturam organorum, causasque impeditæ vel auctæ circulationis examen neglectum, multam imperfecta; vltimo calculis demonstrationibusque inunda fuit. Quo tam iniquo fato, in multas inutiles subtilitates excreuit vtilissima ceteroquin scientia. Multa multi congesterunt ad cordis actionem computandam; areas ventriculorum vasorumque dimensi sunt; systoles tempus determinarunt; spatium certa sanguinis quantitate repletum mensurarunt; saltum quo ex arteria maiori sanguis in vivo animale prodit, aestimant; pondus demum sanguinis cordi incumbentis definierunt; ingenti certe ast sterili labore. Cuncta enim hæc scopo suo insufficientia esse, cum illustr. Hallero c) contendo.

§. IV.

Cordis et vasorum areae incertæ.

In magnis compositisque calculis ab assumptorum ratione vtut parum mutata, factum omne quam maxime mutari in comperto est. d) Omnia vero, quæ supra adduximus data

c) Elem. physiol. vol. I. p. 456.

d) Vt exemplo vtat: Ducatur numerus 10. in n. 20. productum erit 200. Augeatur vterque numerus sola vnitate, et differentia vtriusque producti erit 31. Denovo multiplicetur vnum productum per 10, alterum per 11. quo magis compositus fiat calculus, et habebis differentiam 541. et sic peno proportionis compositionis.

ta eiusmodi sunt, vt numerus figi nequeat. Primum enim cordis vasorumque areas in cadauere tantum metiri licet, easque vel vacuas, vel cera distentas; si prius, minor diameter ac in viuo corpore est; e) sin posterius, maior. f) Sed quantum deficit prior, quantum excedit alter? An differentia vtriusque naturalem diametrum sistit?

§. V.

Pulsus stadia incerta.

Aequè difficile est conficere, quantam partem totius pulsus systole sibi sumat: vt enim omittam, ipsum numerum pulsuum intra minutam primum fixum non esse, totam pulsationem in quatuor stadia distinguo. Cor nimirum 1) ab impulsu sanguine ad definitum vsque gradum distenditur, in eoque 2) aliquantum persistit; prius enim se contrahere nequit, quam eius vires cum sanguinis renisu in aequilibrio constitutae, hunc tandem superent; aequilibrium vero absque quiete cogitari non potest; sequitur 3) contractio, quam denuo, ob eandem rationem; excipit 4) status neuter. Equidem certa haec sunt. Quantum vero temporis quilibet status sibi vindicet, quade ratione in diuersis pulsibus variet, illud omnino indefinitum adhuc relictum est.

§. VI.

Sanguinis pondus specificum incertum.

Sed nec idem vbique sanguinis sub eodem pondere est volumen: heterogenea est massa, quem sanguinem vocamus, mira particularum varietate foeta, diversissima cum proportionem. Illa particulas alias grauiiores alias leuiiores sistit, indeque ideam suggerit massae ob numerosiores vnus vel alterius generis moleculas pondere auctae vel imminutae; ab ipsa autem diuersa partium varie figuratarum proportionem cohaesio cum mutetur g), et ab hac mutata gravitatem corporis specificam variari.

e) Haller. prim. lin. physiol. §. 33.

f) Ibid. §. 126.

g) Erhard. Hambergeri elem. physic. Cap. 3. §. 147.

variari necesse sit: haud obscure duplici ex hoc momento intelligitur, vix duorum individuorum sanguinem reperiri, pondere specifico mutuo aequalem. Consentiant experimenta a clarissimis viris in hunc finem instituta, quae collecta videri possunt in III. v. Haller elem. physiol. h) Iterum vero hoc loco notamus, minimam saepe diversitatis esse rationem, quae tamen calculo nostro notabiliter mutando par sit. §. 4. d)

§. VII.

Saltus arteriosi sanguinis, pondus massae cordi incumbens, incerta.

Saltum ex arteria prorumpentis sanguinis adcuratius definire variae quoque causae impediunt: latum nervorum in omni arteriae lacione adsectorum in circulationem imperium; aeris vulnus ambeuntis diversa diverso tempore resistentia; ipse demum dissectionis vel incisionis modus, i) vulnerisque amplitudo. Eoque ex saltu, habita simul areae ventriculi itidem incertae (§. 4.) ratione, pondus sanguinis cordi resistentis cum aestimetur; k) conficitur, nec hoc maiori ac reliqua firmitudine datum niti. Quare cum ea, quae pro stabiliendo calculo adducuntur, omnia sint variabilia, hunc sua destitui certitudine palam est.

§. VIII.

Instituti ratio.

Verum longius, ac putaueram, ista me ab instituto abduxit disquisitio. Ad ea igitur redeundum, quae maiori cum securi-

B

h) Tom. II. Sect. II. §. 5.

i) Sectio vel est transversa, vel obliqua, vel arteriae longitudinem sequitur. Quaelibet vero ob fibras huius musculares orbiculatim positas aliter sanguinem erumpere facit. Accedit inaequalis integumentorum partiumque arteriae incumbentium contractilitas.

k) v. Haller prim. lin. physiol. §. 123.

curitate pro certis venditari possunt. Sint sui iatromathematicis subtiliores calculi; nobis ex cognita partium per anatomen fabrica, legibusque naturae constantibus duce experientia et ratione circulationi adplicandis, generaliora deducere sufficiet. Insudent illi zeris suis, nullo aegrotantium commodo; nobis cum Ill. v. Haller 1) vtiliter dixisse sat erit: “fatis validam esse machinam, quam cor vocamus.”

§. IX.

Cordis fabrica.

Sed cordis fabrica adcuratius ex instituto examinanda erit. Venit hoc nomine musculus cavus, oblique in thorace ad costam quintam veram sub pulmone sinistro positus, cuius lobi cum in finem exsecti, illum quasi involuunt ac recipiunt; figura fere, quae coni per axin secti m), inferna nempe superficie plana, superna convexa, margine porro superiori sinisteriori obtuso, altero acutiori, vnde a quibusdam pro pyramide habitus n), apice seu mucrone antrorsum directo. Totus laxè cingitur sacco membranaceo, e cordis vasorumque maiorum continua tunica, dein propria, alba, stipata membrana, exteriusque adplicata vbique ope cellulosae pleura conflato, o) nusquam ipsi adnato, magnis vero ex eius basi prodeuntibus vasis, inferiusque diaphragmati adhaerente: pericardium dicunt. Firmitatem hoc cordi praestat, funditque pariter ac illud, halitum coagulabilem, et frictionem et vtriusque cohaesionem impredientem.

§. X.

Ventriculi.

Cor totum cauum est, medio septo in duo ventriculos diuisum, quorum anterior, olim dexter vocatus, debiliior in vniuer-

1) Prim. lin. physiol. §. 129.

m) v. Haller prim. lin. physiol. §. 91.

n) Piccolomini Anat. integr. cap. 6. Ioh. von Horne microcosm. §. 33.

o) Winslow expos. anat. part. IV, de la poitr. §. 78.

vniversum, sed latior est; posterior, sinister veteribus, maiori parietum firmitate, minori area gaudet, vt ratio 2 : 3. fere poni possit. p) Interna ventriculorum superficies aspera est et inaequalis, a prolongatis in cavitates fibris et reticulosa earum implicatione oriunda. Eminent inter has longissimae omnium productiones, columnae cordis dictae, quae ex carnea eius substantia exeuntes, finibus suis tendineis auricularibus valvulis, mox dicendis, inferuntur. Efficiunt illae, vt in valida cordis contractione renitentur valvulae, neque in aurem se vrgeri reuolutas patiantur.

§. XI.

Foramina, valvulae auriculares.

Binis vero quilibet ventriculorum ad basin instructus est foraminibus, quorum alterum auriculare seu venosum, arteriosum alterum anatomicis audit. Per illud, ellipticum fere, et callosi marginis, in auriculam cognominem e ventriculo via est. Lumen claudit anulus, ex duplicata interna auri membrana productus, varie diuisus; vt valvulas imitetur, quas triglochines in dextro corde dicunt, semitrifido annulo partes tres trapezias referente. Sinister vero profundius sed bifariam tantum diuisus, maiores firmioresque lacinias nactus est; mitrales vocant valvulas. Hae omnes liberam ex auriculis in ventriculos viam ad horum latera adpressae relinquunt, simulque ostia arteriosa obturant: reditum vero adplicatae ad marginem suum occludunt, arterias aperiunt.

§. XII.

Foramina, valvulae arteriosae.

In eodem enim cordis fundo, sed posteriori, pulmonalis in dextro, aorta in sinistro, arteriae amplo lumine aperiuntur, margine perinde ac in auriculari foramine calloso. Produuntur ad eum marginem, quas femilunares dicunt, valvulae, internae arteriarum membranae soboles, cui carnae hinc inde vel

B 2

tendi.

p) v. Haller prim. lin. phys. §. 114.

tendineae fibrillae insperguntur, nullo praeterea discrimine, nisi quod firmiores maioresque pro ratione luminis, pulmonicis sint aorticae. q) Hae proleunt e corde sanguini ad parietes depressae cedunt, reslenti vero renituntur eleuatae.

§. XIII.

Auriculae.

In aures foramina ducunt venosa. Binae hae sunt adpendices singulis ventriculis respondentes, tenuiori septo discretæ, dextra sinistraque, quae basi cordis adnexae duas diuersas quidem offerunt partes, sinum auriculamque; in vnum tamen cordis atrium conspirantes. Sinus efficiunt confluentes vtriusque venae, parietibus suis, muscularibus in pectore, spatium comprehendentes inter ipsas et cor medium, diuerticulo sanguini a corde per eius systolem impedito seruientes. Maior est sinus dexter ac pene oualis, vnde a quibusdam sub sacci venae cauae nomine fuit descriptus. r) Valvula in eo sinu conspicua datur ascendenti cauae dicata. Eustachiana ab inuatore cognominata, quae in sinum aperitur, atque impedimento est, quo minus contracta aure in eam venam relabatur sanguis: Id in descendente caua pondus sanguinis efficit. At sinister sinus fortior minorque sodali, pene cubicus, angulis suis quatuor pulmonicarum venarum recipit ostia; eodem ac dexter fibrarum adparatu gaudet, sed firmiori, vt omnes dextri cordis partes. Terminatur vterque anteriori parte in adpendicem carnosam, cordis substantiae similem, vt tamen fibrae minus implicatae sint; intus reticulatam, figura irregulari. Hae proprie auriculae sunt, quae licet a sinibus differre videantur, ad eandem tamen actionem, contractionem videlicet, cum illis conspirant.

§. XIV.

q) v. Haller prim. lin. physiol. §. 116. Maius esse arteriarum pulmonalium orificium, quam aortae, assertit Barthol. de Moor in cognit. de instaur. medic. pag. 68. Aequalia orificia assertit Hales in haemastat. experim. XI. §. 2. Boerhaave inst. §. 134.

r) Winslow exposit. anat. p. IV. de la poitrine §. 65.

§. XIV.

Arteriarum figura.

Alterum orificiorum par, arteriosum, quorsum ducat, ipsum nomen declarat. Prodeunt nempe immediate e cordis basi magni canales, per omnem corporis substantiam distributi, arteriarum nomine. Duæ in uniuersum huius generis sunt, quarum vna soli pulmōni, reliquo animali altera prospicit, simili tamen cum fabrica tum distributione. Conum ad sensum referunt, cuius basis in corde est, apex in extrimitate arteriæ capillari. Cum vero lumen pro numero ramorum decreseat, et ubi arteriæ satis insignes ramos edunt, subito minuatur, quin, ubi aliquamdiu maioribus ramis destituuntur arteriæ, parum euidetur conuergat, satius est, eas pro catena cylindrorum habere, quorum quisque, sicut in pyramidibus illis Aegypti acis gradus, priori angustior est; ut adeo, quoad segmenta arteriarum in spatiis vere cylindricis sanguis moueatur, licet hanc figuram non ubique mathematice seruent, cum sæpe, præsertim in principio divisionis ramorum, aliquantum dilatentur.

§. XV.

Distributio.

Ramos edunt arteriæ numerosissimos, hac lege, ut ex truncō rami exeant. hi minores eius generis largiuntur, isti iterum in ramulos distribuuntur, donec repetita diuisione, quam fere ad vicefimam usque prosequuti sunt sectores, s) vel in venulam abeat arteriola minima reflexa, vel in vasa minorum generum alba, quorsum exhalantia quoque vasa spectant, vel in conuolucrum vasorum in visceribus abeuntium in tubulos secretorios. t) Maius semper est in maioribus arteriis ramorum coniunctum lumen trunci lumine, eodem modo etiam parietibus se habentibus; in capillaribus non item. Rationem determinare difficile, cum ut in reliquis

s) von Haller prim. lin. physiol. §. 37.

t) Plures fines arteriarum recensent alii v. g. Boerhaave inst. §. 132. qui vero omnes ad nostros facile reducuntur.

liquis fere calculis, u) varient hic auctores. Sic nec diametros vasculorum, vnum globulum rubrum transmittentium, vel globulo rubro minorum, quidquid hac de re dixerint iatromathematici, definire auderem; cum tam minutis de rebus ac sensum fere omnem fugientibus nil nisi opinari liceat. Ad certiora itaque redimus.

§. XVI.

Diuisionum anguli.

Emittunt arteriae ramos plerumque ad angulum acutum, femirectum vel huic vicinum, qui adhuc aliquid de priori directione participet, vt sanguis tramitem praecedenti non adeo contrarium legere debeat, licet plus minus a recto deflexum. Ea porro angulorum, ad quos rami exeunt, ratio est, vt maiores rami minori, minores maiori angulo egrediantur: licet nemini hanc legem pro vniuersali obtrudere velimus, cum circa distributionem ramorum mire variet natura; quae ne acutos quidem omnes angulos voluit esse, cum recti fere sint, ad quos lumbares arteriae atque intercostales ex aorta oriuntur, nec deficiant, qui obtusis sub angulis nati retrogradi sint. Sic coronariae cordis arteriae, spinales, rami interossae externae arteriae brachii, recurrentes disti, obtusis angulis suis truncis nascuntur. Plures tamen recurrentes potius, quam retrogradi sunt, acuto quippe angulo nati, sed mox in arcum flexi, contraria trunco directione suum sanguinem ferentes. Exemplum est in mammariis, pharyngea ascendente, illisque ramis, qui per peculiare ossium canales v) horum medullam ipsaque ossa nutriunt.

§. XVII.

Arteriarum flexiones et anastomoses.

Praeter hos diuisionum angulos flexiones quoque plurimis locis frequentes sunt, et maiores aequae ac minores arteriae ita saepe a linea recta deflectunt, vt alternis circa axin communem

u) Eliae Camerarii system. cautel. med. cap. 3. pag. mil. 43.

v) Palūn. Osteolog. Part. IV. chap. I. IV.

nem arcubus, pluribus vel paucioribus, maioribus vel minoribus, serpant, variasque in suo cursu figuras efficiant. Sic simplicem arcum efformat aorta e corde egressa, nec non arteria cubitæa in vola manus, arcus palmaris nomine; w) in gyrum quasi contorquetur interna carotis sub mammillari processu; x) alterne flexuosa vertebralis arteria intra foramina processuum obliquorum vertebrarum colli ascendit; capreolares aliae flexiones faciunt, aliae alias, insigni cum varietate. Frequentius minores arteriae curvantur, etiam albae, quod optime videre licet in oculi albuginea sub eius incipiente inflammatione, ubi errore loci sanguis in minorum generum arterias impulsus, visui has conspicuas exhibet, licet ex hoc deduci nequeat, eas in statu naturali omnes ita arcuatas esse, cum etiam arteriae alias rectae, si praeter modum repleantur, in serpentinis flexus abeant, et varius partium status, dum nempe extenduntur vel contrahuntur, multum in vasorum figura mutanda valeat. Augent angulorum ac flexionum numerum anastomoses, quae per concursum duorum ramorum oriuntur e vicinis arteriis e ductorum, et in unum truncum confluentium; frequentes ubique reperiuntur, etiam in satis magnis truncis, uti in utraque mesenterica arteria videre est, numerosissimae tamen in minoribus, ut nullam corporis humani partem iis carere contendere possit. Ipsi quoque trunci in communem alium abire adparent, unico tamen exemplo in maioribus est basilaris ex vertebralibus composita arteria. Minus id infrequens in minoribus est.

§. XVIII.

Fabrica arteriarum, robur.

Contemplato externo arteriarum habitu, de ipsa earum fabrica nunc quaedam subiungenda sunt. Multo haec simplicior, ac olim creditum est, fuit reperta; quatuor enim aut quinque veterum tunicas y) ad tres modo reduxerunt neoterici

w) Winslow. expof. anat. part. 3. §. 155.

x) v. Haller prim. lin. physiol. §. 37.

y) Van Horne microcosm. §. 36. not. f. ex Willisio recenset 1. extimam vasculofam, 2. glandulofam, 3. muscularem 4. nerveam submusculofam, Duabus praeter.

rici, neque immerito. Nam externa arteriarum membrana perpetua nulla est, sed vaginam iis circumdant eae, quas transeunt membranae, peritoneum in abdomine, pleura in thorace, in cranio dura meninx. Sequitur laxa cellulosa, passim adiposa, ut circa cor, quae, ubi accessoria membrana deficit, ut in artubus, collo, laxior et vnice pro externa membrana est. Copiosae eam arteriolae, venulae, nervulique in arteriarum usum perreptant, ut hanc ob causam pro peculiari arteriae membrana haec cellulosa alias fuerit habita. Quo magis vero a peripheria recedit, eo est stipatior et veluti tendinea, ut propria arteriae membrana dici mereatur; interrim pure cellulosa adhuc est, maceratione id demonstrante. Sed proxime excipit eam muscularis membrana, motus arteriarum organon, ex circularibus fibris constans, quae tamen integrum circulum haud perficiunt, sed vncinulis vtrinque sibi mutuo implicatae totam demum peripheriam absolvunt. Satis conspicuae eae fibrae in maioribus sunt, in minoribus non aequae; non deficere tamen ratio et experientia probant. 2) Lumini proxima membrana nervea est sic dicta, laevis et polita, ut frictio minuatur, valvulis, ut venarum intima membrana, non praedita, in plicas tamen subin ad originem ramorum eleuata. Cum praecedente brevissima cellulosa coniungitur. Satis robustam, sed fragilem, ob rigiditatem, arteriarum compagem hae membranae reddunt; robur tamen non vbique idem est, sed pro ratione luminis ad parietem maius vel minus.

Maxima

praeter exteriorem a vicinis partibus, tantum constare refert Thom. Bartholinus, 1. exteriori tenui, molli et rara, vti venarum tunica, 2. interiori densa, dura et valde crassa, quintuplo videlicet crassiori venarum tunica, nisi in extremis partibus. Vid. eius anatom. libell. II. de arter. cap. I.

- 2) Quod in minimis arteriis sanguiferis pulsus non sentitur inde est, quia differentia diametrorum arteriae in systole et diastole decrevit pro ratione ramorum ipsorum, vnde non mirum, quod in minimis arteriis etiam haec differentia sit minima et proinde sentiri in statu naturali non possit. At in paravito pulsus sentimus pulsui cordis synchronum. Iam systole arteriarum pendet a fibris muscularibus, nec genitas noviter has fibras in paronychia quisquam supponere posset, verum praesentes iam antea, nunc vero in inflammatione magis irritatas validiusque agentes. III. Henslammii dissert. de musculor. pathol. §. XVI.

Maxima autem est ratio luminis prope cor; inde continuo minuitur, prout arteriae a corde recedunt, donec in minimis et ipsa quoque minima fiat a)

§. XIX.

Venarum fabrica, proprietates.

Arteriis, quas diximus §. 14, sex respondent venae, quarum duae aortae, pulmonis sanguinem reliquae cordi reddunt. Praecipuae earum proprietates hae sunt. Maiores amplitudine, copiosioresque numero, quam arteriae reperiuntur; nam binae saepe vni ex his, ut in artubus, respondent, multoque plures ramificationes habent, b) frequentioribus quoque anastomosis coeunt, c) sed minus flectuntur. Lumen, si comparisonem instituas, duplo, quam in arteriis maius est, d) inconstante tamen ratione, cum duplo et quadruplo fere emulgentes venae cognomines arterias superent, et in pulmone exceptio sit, cuius venosae ramificationes pauciores angustioresque arteriosis visuntur. e) Simplicissima earum est fabrica, difficulter in membranas separanda f), tenuis et laxa, sanguinisque

- a) Duplici ex causa plus in truncum valet fluidum quam in ramos. 1. Ob ipsam maiorem ramorum fortitudinem, facili negotio confirmandam. Abscindatur ex arteria quacunq., v. g. aorta, supra eius in iliacas diuisionem, pars determinatae longitudinis, abscindantur et eiusdem longitudinis partes ex iliacis, et suspensae bilanci immittantur: in altum tunc tollent truncum descendentes rami, manifesto argumento, plus iis, quam trunco inesse solidi. 2. Ob maiorem in truncis celeritatem, quae efficit, vt maiori impetu in latera agat sanguis, eaque diffundat. Interim nec eadem arteria eandem semper luminis rationem seruat, ob varium eius statum, repletionis vel inanitionis.
- b) Winslow expof. anat. P. IV. de la poitr. §. 113.
- c) v. Berger de nat. hum. cap. v. p. m. 76.
- d) ibid. p. m. 72.
- e) Winslow. loc. cit.
- f) Thom. Bartholin anat. Libell. I. de venis cap. 2. Heister in compend. anat. §. 298. tribus constare tunicis asserit: membranacea, vasculosa et musculosa, sed longe tenuioribus quam arteriae.

nisque fluento facilius cedens, muscularibus fibris, excepta caua, vbi e corde egreditur, non praedita, sed vnice textu celluloso, exterius laxiori, interius, vt in arteriis, in nerveam aliquam stipato, constans. Eleuatur haec vltima plurimis locis in plicas parabolicas, singulas in minoribus, binas, ternas, quaternas in maioribus. omnes versus cor spectantes, et, vbique, sub ramorum praecipue exortum obvias; g) exceptis cerebro, pulmone, corde, hepate, renibus, vtero, porta, et capillaribus venis intra lineam diametrum habentibus. h) Copiosissime etiam gemellae in lymphaticis vasis reperiuntur. Fluidum contentum vnice versus cor dirigunt, circulumque iuuant, quem venarum inertia promouere non potest. Hae maxime differentiae sunt venarum, cetera cum arteriis conueniunt.

§. XX.

Circulatio.

Sanguis in vniuerso corpore per venas ad cor ducitur, ligatura, natura valuularum (§. 18.) id demonstrantibus; atque vtraque quidem caua vena, in quam omnis venosus sanguis confluit, eum anteriori infundit auri; (§. 12.) haec irritata, musculosa cum sit, se contrahit, sanguinemque contentum in cognominem ventriculum (§. 10.) vrget. Pressus enim vndique sanguis, regressu omnino impedito, (§. 12.) necessario minorem sequetur resistantiam, quam natura tricuspidalium valuularum (§. 11.) circa orificium auriculare ponit. Ingrediens igitur ventriculum, eum pariter ad contractionem stimulat, valuulas dictas claudit, semilunares (§. eod.) aperit, pulmonis arteriam intrat, cuius propria contractione, clausis iterum valuulis, vltcrius in pulmonem promouetur, in eoque intra infinitos ramulos circulationem perficit, quam dicunt minorem. Restius inde in venas primum colligitur pulmonicas, quae posteriori auri (§. 12.) eum reddunt; post, si-

mili;

g) Thom. Barthol. loc. cit.

h) v. Haller prim. lin. physiol. §. 49.

mili ac prius mechanismo, nisi quod solus situs venarum redditum hic caueat, contracta aure apertisque mitralibus valvulis, (§. 11.) in posteriorem ventriculum (§. 10.) adiicitur, qui eum porro per apertas semilunares valvulas in magnam arteriam impellit, mitralibus valvulis viam in aurem intercludentibus. Hoc tramite e corde in aortam egressus sanguis, clausis iterum valvulis, adiuuante propria huic vi, toti corpori pro eius oeconomia comunicatur, donec, residuo a functionibus cordi reddito, integrum circulum absoluat.

§. XVI.

Spectatior institui ratio.

Sanguinis in suo per corpus circuitu viam ostendimus. Restant adhuc complura, quae circa causas, indolem, celeritatem, effectus huius motus circulatorii esset differenda. Vnicum nobis summus, quod nescio an cunctis aequè probabitur, celeritatem. Summi enim viri ad eam naufragium fecerunt, cum tot requisita ad eius determinationem 1) hanc vix non impossibilem reddant. Verum aliud est velocitatem ipsam, qua sanguis movetur, seu rationem spatii, quod percurrit, ad tempus, quo illud absoluit, numeris exprimere, quam absolutam; aliud eam in diuersis vasis mutuo conferre, quam comparatiuam celeritatem voco. Priori intacta, circa posteriorem potissimum haerebimus, dispicientes, vbi nam sedatius, vbi rapidius sanguinem moueri credendum sit, quidue ex hac discrepantia forte deduci possit. Cum autem cor atque arteriae communis omnis motus circulatorii causa existant, aequalis omnino vbique foret celeritas, nisi causae essent aliae de prima velocitate continuo aliquid decerpentes, iterumque aliae partem amissae restitucentes. Necessarium igitur in primis erit, ut in illas inquiramus, atque impedimenta et adiumenta motus progressiui sanguinis ordine exponamus.

1) Aliqua supra iam recensuimus. (§. 3. 7.) Plura sequuntur.

§. XXII.

Arteriarum crescens lumen, impedimentum celeritatis.

Atque primo quidem se nobis offert amplitudo arteriarum pro ratione diuisionum aucta. (§. 15.) Notum autem ex hydraulicis est, celeritates fluidorum in vasis difformibus esse in ratione inuersa luminum, vt maior celeritas minori, minor maiori lumini respondeat; idque ex hac ratione, quod fluidi in angustiori tubi sectione celeritas, maiori massae in ampliori communicatur. Cum enim in conflictu corporum celeritatis communicatio fiat in ratione reciproca massarum: k) liquet, eo semper minorem fore celeritatem, quo maior moles mouendorum, ac proinde quo maius lumen.

§. XXIII.

Contraria sententia recensetur.

Reiecit hanc retardationis causam, v. cl. Iac. Bernh. Preu, l) negans, lumen omnium ramorum trunci lumine esse maius. Verum autopsia in arteriis, oculo adhuc conspicuis, constanter ramos satis truncis ampliores ostendit, et de minoribus, exceptis vltimis capillaribus, idem analogia et observationes euincunt. m) Dein putat idem auctor, etiam hoc dato, tamen legem illam hydraulicam (§. praec.) ad vasa nostra adplicari non posse, cum ad eam requiratur " 1) fluidum in vtroque canali idem; 2) fluidum, quod comprimi nequit, i. e. quod non elasticum; 3) fluidum ex gravitate in se invicem agens; 4) canales immobiles seu non flexiles; 5) canales non capillares. Postea subsumit: „ atqui 1) sanguis arteriosus differt a venoso; 2) est fluidum elasticum; 3) in quamplurimis vasis, multum flexis, nihil ex gravitate potest; 4) vasa nostra sunt flexilia, quaeque ipsa elasticitate sua sanguinem movent; 5) sunt capillaria. „ Inde concludit: „ ergo haec lex hydraulica ad nostrum corpus adplicari nequit. „

§. XXIV.

k) Maïo Phys. P. I. Sect. II. cap. 2.

l) Dissert. de celer. sanguinis in vasc. minim. Altorf. 1758. habita.

m) v. Haller Elem. Physiol. T. I. L. II. p. 80. 81.

§. XXIV.

Refelluntur argumenta.

Verum multa sunt, quae ad hoc argumentum regeri possunt. Atque primo quidem, falsum esse omnes illas conditiones requiri. Nam 1) non requiritur fluidum in vitroque canali idem. Si enim in vasis communicantibus inaequalium crurum, alterum crus aqua, alterum oleo sit repletum, tunc ratione aequilibræ, oleum quidem, ob minorem gravitatem specificam, altius ascendet, quam aqua. Quamprimum vero alteri cruri embolus intruditur, et fluidum contentum vrgetur, omnia eodem modo evenient, ac si vtrumque crus aqua esset repletum; tunc enim fluidum non ex vi ponderis, sed ex vi emboli ascendit. Falsum porro est, quod 3) fluidum oporteat esse, gravitate in se invicem agens. Videtur id quidem requiri ad B. Hambergeri demonstrationem, n) quam auctor adgreditur, qui eam in tubis communicantibus perficit, in quibus fluidum in se invicem gravitat. Contrarium autem esse, quotidianum chirurgorum probat experimentum, quo multo celerius per angustum tubulum, siphoni adnexum, fluidum movetur, quam quidem per cylindrum, ut manifesto videas, nihil omnino hic gravitatem posse. Sed nec 4) canales debent esse immobiles seu non flexiles. Construatur enim vas difforme ex corio, et impellatur aqua; perinde in angustiori lumine celerius fluet liquidum, siue flexus sit canalis siue non. Quod 5) capillaria vasa non debeant esse, inde probare contendit, quia, si in tubis communicantibus vnum crus, etsi decuplo maioris diametri ac alterum, vasis capillaribus sit repletum, tamen fluidum in his altius adscendit, quam in illo. Verum diameter potest decies esse maior, quin propterea lumen omnium capillarum maius sit alterius cruris lumine, quod tamen vnice requiritur. Si autem hoc esse supponatur, tunc omnino lentior erit motus in capillaribus, quam in trunco. Concedo equidem, fluidum initio vltra libellam in capillaribus adscensurum, sed si fluidum in iis semel ad debitam altitudinem pervenerit, reliqui adscensus sunt in ratione profunditatum, ad quas vas capillare demer-

gi-

v) Elem. Physicæ. §. III.

gitur, o) adeoque in ratione pressionis. Si igitur embolus intraditur trunco, maior in hoc erit pressio fluidi, quam ad oscula capillaria, quia hic maiori massae communicatur, adeoque etiam ad minus spatium promouebitur fluidum in capillaribus vasis, quam in trunco. Cum igitur demonstratum sit, nullam ex recensitis conditionibus ad legem nostram requiri: secure haec ad nostram quoque vasa adhiberi poterit, praesertim cum et in subsumto (§. praec.) non omnia vera sint, quoniam eundem arteriosum et venosum sanguinem, eumque parum elasticum III. Hallerus probat, p) quae tamen omnia contraria nostrae impugnator legis (§. praec.) posuerat.

§. XXV.

Frictio a longitudine, angustia, plicis vasorum maior.

Sequitur frictionis in minuenda velocitate momentum. q) Augget eam longitudo vasorum, quae efficit, vt longiori tempore causa n. a.) ponatur, atque adeo maior quoque effectus, frictio. Demonstrant experimenta hydraulica in hunc finem instituta, r) et in corpore animato phaenomena euincunt, tardiores in sanguine motus esse, quo longius a corde recessum fuerit s) Qui ab angustia vasorum oritur adritus, notabilior est, atque eo semper maior, quo minora vascula. Nam in minori canali maior est ratio peripheriae ad aream seu massam fluidorum, quam in latiori; t) hinc etiam frictio ab ea dependens u) plus in

angu-

o) Mako Physf. P. II. Sect. II. Cap. II. §. 138.

p) Elem. Physiol. T. II. L. IV. Sect. II. §. 15. seqq.

q) Corpora, vtut polita, tamen microscopio ostendunt innumeras eminentias, quibus alitum corpus aliud motum, propriis suis eminentiis intricatur, in motu suo retardatur. Hinc patet, eo maiorem fore frictionem, quo maiores illae eminentiae fuerint, adeoque quo minus corpus politum.

r) v. Haller elem. Physiol. T. H. L. VI. Sect. I. §. XVI.

s) Ibid. §. XXII.

t) Peripheriae crescunt vt diametri, et massae crescunt vt quadrata diametrorum. Si ergo vasis vnus diameter ponatur = 1, et alterius = 2, seu duplo maior; erunt circumferentiae, vt hae ipsae areae, seu vt quadrata diametrorum, = 1 : 2 : 2 : 1 : 4; adeoque massae = 1. respondet superficies = 1. et massae = 1 respondet superficies = 2. quae ratio superficiei ad massam minor est.

u) Cum frictio per contactum eminentiarum oriatur, (§. praec. n.a.) euident est, eo maiorem esse frictionem, quo dantur plura contactus puncta; atqui hoc in aucta superficie, et ad massas ratione contingit.

v) Re-

angustiori efficiet, quam in ampliori, vt tandem in minimis capillaribus vasis maxima sit. Et ipsa quoque celeritas frictionem auget. Quo velocius nim liquer caralem suum perfluit, eo plures dato tempore particulae ad tubi superficiem confricantur, eo ergo frictio maior fit, x) hinc ex hoc momento maior in trunco ac in ramis. Plicarum (§. 17.) etiam vis aliqua in frangenda velocitate est. Fluidum enim ad maiorem arcum flexionis pluribus particulis confricatur, id quod in canale ad angulum re-ctum flexo facile intelligitur. In vasis cedentibus aliquanto maior est effectus, cum pars motus progressiui in figura mutanda consumatur. y) Exemplum vterus illustre suppeditat, cuius vasa admodum flexa modicum sanguinis ipsi subministrant, quae vero a grauiditate distenta, ingentem, ob extricatas plicas, eius copiam fundere videmus. z) Plicas quas (§. 18.) diximus, aliquantum retardare, absque viteriore indagine patet.

§. XXVI.

Angulorum, figurae, anastomorum vis retardans.

Ad angulos nunc transimus, in quibus pariter pars velocitatis a corde acceptae perit. Sanguinis enim moleculeae insequentes minus vtique vrgebunt particulas ad latus positas, quam eas in quas directe incurrunt, et quidem eo minus, quo magis obli-

v) Reiecit quoque hanc retardationis causam fac. Bernh. Prev. (1. c.) ex hoc fundamento, quod vasa sint capillaria, in quibus, ob adhaesionem ad latera, fluidum potius promouetur quam retardetur. Sed ostendimus iam, (§. praec.) capillaria vasa minime accelerare motum progressiui, et hoc loco idem experientia probabimus. Repleatur tubus capillaris satis longus aliqua portione aqua; eodem modo repleatur etiam alius tubus non capillaris eiusdem longitudinis, et ambo inuertantur; tunc multo lentius in capillari tubo descendet aqua, quam in ampliori; quod non obtingeret, nisi magis in suo descensu a priori impediretur. Dein haec retardatio iam obtinet in illis vasis, quae nondum sunt capillaria, vt, etiamsi eius argumentum concederetur, tamen nostram positionem non omnino euerteret.

x) In animato corpore per maiorem celeritatem frictionem augeri, inde ill. Hallerus ostendit, quod in febribus plus terrae, frictione abrafae, per vrinam egeratur. Elem. Physiol. T. II. p. 188.

y) ibid. p. 186.

z) Dietelmair Dissert. de inflexionibus arter. capreolaribus Altorf. 1772: habita..

oblique illas feriunt; vt in recto angulo sola vis lateralis super-
sit, in retrogrado etiam de hac multum pereat, a) quae saepius
ceram arterijs injectam in illos vrgeret nequiuert, vtpote haud
raro a liquore praeterueto neglectos. b) Quam a figura va-
sorum conica repetunt retardationem, nullam esse putem, cum
et illa vix vlla sit, vt supra (§. 14.) ostensum est. Verius ana-
stomoses (§. 17.) impediunt, cum e diametro oppositae celerit-
ates sese fere destruant; c) et sanguinis viscor, qui efficit, vt
eius particulae tum inter se, tum ad suos parietes facile adhae-
reant, quod vero vtrumque motu progressu impeditur, cuius
adeo pars in hoc negotio consumitur. d) Vltimo ramorum resi-
stentia in censum venit, quae vndae a trunco venienti viam li-
beram praeccludit, eius celeritatem minuit.

§. XXVII.

Minor in ramis velocitas, pusius arteriarum.

Minori ergo velocitate sanguis, (ex causis §. 22. 25.) in
minoribus et minimis arteriis progreditur, quam in maioribus,
e) rapidius tamen adhuc ferri visus est obseruatoribus, f) quam
quidem eae causae videntur admittere. Adesse igitur debent,
quae vel retardationem minuunt, vel tanquam nouae causae
viribus mouentibus accedant. Vtriusque generis quaedam in
corpore

a) v. Haller elem. Physiol. T. II. p. 184.

b) ibid. p. 187.

c) ibid. p. 189.

d) v. Haller elem. Physiol. T. II. p. 190.

e) Negat hoc Iac. Bernh. Preu diff. de celer. sang. in vas. min. ex ratio-
nibus supra recensitis. (§. 23. 25.)f) v. Haller elem. physiol. T. II. p. 195. Eam tamen, quae microscopio
adparet, velocitatem non continuo pro vera haberi oportere, praeclarum
est monitum Ill. Schmidellii, in praef. ad Ill. de Gleichen opus: Nachricht
von dem neuesten/aus dem Reiche der Pflanzen; vbi: „ Cum per vitra ,
„ ait, nonnisi pauca puncta videre liceat, -velocior quoque erit az-
„ cessus ad punctum visionis, et recessus ab illo, vt celeritas
„ adparens sit in ratione, qua grandius redditur obiectum. „

corpore animali reperiuntur. Primum enim sectio arteriarum, quam in ramis crescere diximus, atque inde retardationem repetimus, (§. 22.) in capillaribus iterum minuitur, (§. 15.) quae tamen magnam vasorum partem constituant. Deinde quoque sunt, quae frictionem minuant: Laevitas forma arteriarum, (§. 18.) mucus, quo obducuntur g) et ea vasculorum etiam minimorum ad particulas proportio, ut eas facile et absque insigniori frictione transmittant, h) His omnibus efficitur, ut maiore aliquantum velocitate sanguis in vasculis procurrere possit, multo tamen adhuc minori quam in truncis; cumque in his ipsis pars velocitatis a corde acceptae per ramorum resistantiam dematur: (§. praec.) consequens est, vnam noviter de corde projectam superare velocitate quamcumque proxime praecedentem. Quare cum ob validas in ramis resistentias huic eandem continuo velocitatem impertire nequeat, obex adeo ipsi ponatur, per naturam fluidorum pars velocitatis in lateralem pressionem convertitur. Vnde igitur de corde progressa in omni suo ambitu distendit, irritabit arteriam proximam, quae ut elastica, musculosa, remittente impetu, per totam circumferentiam arcuabitur, atque in pristinum diametrum se restituet. Id ipsum vero dum fit, sanguis eam arteriam replens de pristina statione depulsus, novaque a contractione vi auctus, sequentem arteriae partem, ob minorem ibi resistantiam i) intrabit, atque ex causis modo dictis distendit ac irritabit, ut et huius partis contractione ulterius, nova iterum accepta velocitate, promoveatur; donec continua successionem diminuta vi arteriarum eo loci deveniat, ubi notabili aliquo discrimine vnam praecedentem non superet, parum adeo arteriam firmitate eundo crescentem (§. 18.) distendit, ut tandem dilatatio omnis contractioque ad sensum prorsus cesset, quod in arteriis sexta parte lineae latoribus fere fieri observavit Hallerus. k) Hic pulsus est, qui magnum utique momentum addit velocitati, in minimis tamen arteriis evanescens. Ex his causis constanter motus in arteriis intenditur.

D

g) Neisfeld specimen de secret. §. 48.

i) Haller Elem. Physiol. T. II. p. 206.

j) Reditus enim ad cor per semilunares valvulas plane est interclusus (§. 29.)

k) Elem. Physiol. T. II. p. 207.

quae vero vel aliquando iuvant, vel ad generales circuli aucti causas pertinent, cum, ad rem nostram nil faciant, libenter hic omittimus. D)

§. XXVIII.

Celeritatis in venis ratio.

Porro sedatius progreditur sanguis in minimis venulis, quam in arteriis, licet experimenta circa id ambigere videantur. m) Augentur enim aliquantum ad venularum sedem causae retardantes, (§. 22. 25.) novaeque accedunt, resistentia sanguinis anterioris, et pondus, cuius luculentior, quam in arteriis, hic est efficacia, n) vt tamen pars a valvulis (§. 19.) sustineatur, hinc etiam effectus proportionatus, lentior progressus motus, expectari poterit. Verum quo altius ab sua origine venae recedunt, impedimenta iterum minuuntur; vnde continuo celerius movebitur venosus sanguis, quo propius ad cor accedit. Ea vero celeritate, qua sanguis arteriosus progreditur, utique in sordalibus venis non movebitur, sed minori, quam ill. Hallerus in ratione luminum inversa esse apprehendit o). In cavis res manifesta est, hae enim tantum sanguinis cordi adferre debent, quantum per aortam eiicitur: „Si ergo per eas venas sanguis lentius fluit, debet is lentor adcurate pervenarum maius lumen compensari, et si ratio lentoris maior foret, quam inversa luminum ratio, minorem certe copiam aorta reciperet, et cum ea differentia singulis pulsibus repeteretur, intra breve tempus sicca foret. p) „De reliquis venis similis fere ratiocinatio valet. Si enim plus reveherent, quam inversa luminum ratio requirit, pars, cui debentur, nimis depleretur, sin minus, nimis repleretur; eandem adeo ubique partium celeritatis rationem servare iustum videtur.

§. XXIX.

D) Motus potissimum muscularis huc referendus, cuius insignis in circulationem est efficacia. Quae causae vero aliquando vel in aliqua tantum corporis parte motum intendunt, Ill. Dellius, Dissert. de aëlu volat. habet.

m) Haller Elem. Phys. T. II. p. 322.

n) ibid. p. 341.

o) ibid. p. 344.

p) l. c.

§. XXIX.

Celeritas in pulmonibus maxim.

Ad partes nunc accedimus, celeritatem in iis consideraturi. Atque primo se nobis offerunt pulmones, in quibus rapidissime sanguis movetur. Cum enim eorum magnitudo minor multo sit, quam reliqui corporis, et tamen, quoniam aorta nil educere potest, nisi quod ab iis accepit, tantum sanguinis eos dato tempore permeare debeat, quantum per reliquum corpus movetur, consequens est, ut minus spatium per maiorem celeritatem compensetur; unde aequum est arbitrato, celeritatem in pulmonibus esse ad celeritatem in reliquo corpore in ratione inversa magnitudinum. Ipsa quoque vasorum structura maiorem celeritatem requirere videtur; nam lumen arteriae pulmonalis minus aliquanto, vel saltem aequale est lumini aortae; (§. 10.) dum igitur contrahuntur ventriculi, plus ille sanguinis dato tempore suam arteriam transire faciet, quam hic aortam; manifesto celeritatis augmento. Demum resistentiae, angustiae, longitudo, divisiones, plicae vasorum, non adeo frequentes sunt, inde liberior in vascula minima venulas adeo transitus, ut haud multum in venis celeritas ab arteriosa diversa sit. Maiorem hac illam esse, ut quidam putarunt, q) ex eo, quod minores essent venae arteriis, (§. 19.) admitti non posse videtur, quod compactior r) minoris adeo voluminis redeat per venas sanguis pulmonicus, quam quidem in arterias fuerat injectus.

§. XXX.

Celeritas in diversis partibus diversa.

In reliquis quoque pectoris partibus circulatio velocior, quam in quibuscunque aliis, ex haecenus dictis facile intelligitur. Minuitur sensim celeritas, pro ratione fere, qua distantia partium, quas adeunt vasa, a corde augetur, licet peculiaris ramorum distributio, cuilibet parti, visceribus praesertim propria, singularem ubique eius modificationem inducat, quae certo definiri nequit. In capite satis velox, quoad sanguifera vasa sunt, videtur circulatio, cum magni trunci recta de aorta prodeun-

D 2

tes,

q) Sauvages not. ad Hales. Haemast. exp. 10.

r) Pars aquae, ignis expandentis exhalat, et ipsae particulae violenta pulmonis actione ad propiorem accessum determinantur.

tes, sanguinem motus sui tenacem s) in partes modice remotas diffundant, faciliorque per venas descendentes eius reditus sit. In hepate lentus facile motus augurandus, ob peculiarem venae portarum distributionem arteriosam quae lentum ex abdominalibus visceribus reducem sanguinem denuo retardat. Et in renibus sedatorem motum esse, angulus rectus, ad quem eorum vasa nascuntur, venarum quadruplo fere maior quam arteriarum capacitas, (§. 19.) et copiosa secretio, quae lentorem ad secessionem requirit, arguunt. Sed haec exempli loco sufficiant. Subtiliora persequi, mira vasorum intra viscera distributionis varietas, nunquam forte determinanda, vetat. Quare his missis, ne plane inutilia effutiisse credamur, paucis adhuc ostendere conabimur, cuinam harum rerum notitia vsui, praesertim in neotericorum depulso doctrina, inservire possit.

§. XXXI.

Pulsus historia.

Genesin pulsus, ipsumque ut potens circuli adminiculum (§. 27.) dedimus. Hoc loco eundem ut indicem eorum, qui in oeconomia animali fiunt, motuum, ut signum considerabimus. Iuste cum qua tale sumi posse, arcta eius cum sanguine, arteriis, corde, i. e. partibus vitalibus connexio, t) et tot seculorum observationes euincunt, quibus mutari cum sanitate pessumdata, restitui recuperata compertum est. His observationibus superstructa sunt, quae passim de pulsuum differentiis relata leguntur; quae ut utiliora redderent eruditi viri, rationem quoque variorum pulsuum, celeris, tardi, frequentis, rari, magni, parvi, duri, mollis, eurhythmici, arrhythmici cet. neque infeliciter dederunt. Sed haec fere sunt generalia pulsuum discrimina circa quae subsistere. Solus inter veteres Galenus subtilius id argumentum tractatum reliquit, cuius labor, etsi non plane nullus videtur, omnino tamen neglectus iacuit; donec nuperis temporibus resuscitatus a Francisco Solano de Luque. u) confirmatus per Jacobum Nihellum et Wilhelmum Noortwykium.

s) Haller prim. lin. physiol. §. 319.

t) Schaaersmidt. Semiol. Sect. II. §. 54.

u) In libro, cui nomen: Lapis lydius Apollinis.

kium, x) ulterius per Cel. viros, Bordeuium y) Michelium, z) Fournetum a) Menuretum. b) excultus fuit. Cl. hi viri de more Sinarum suum cuilibet visceri pulsus peculiaribus, aut subtilioribus, characteribus detegendum adsignant, atque ex eo, quid in organo fiat aut futurum sit ediderunt, criseos tempus, locum praediciunt, opportunitatem medicandi, pharmacorum effectum determinant, et plura alia, quae ex eorum operibus deprompta nuperrime Wetschius c) communicavit.

§. XXXII,

Harum observationum veritas.

Licet vero sint, qui de huius rei veritate quam maxime dubitent, d) utpote ex generalibus circulationis legibus, a quibus illi omnem pulsus derivare conantur, haud intelligendae; tamen non plane de nihilo esse credenda est, cum tot clarorum virorum observatis, quae alii clarissimi viri e) passim vera deprehenderint, penitus refragari vix liceat, et ab ipsa theoria res non adeo abhorreere videatur. Id quidem facile dederim, subtilem et multi laboris rem esse, quae et attentum et exercitatum et acuti tactus observatorem requirat. Crediderim etiam cum Cl. Schaarschmidtio f) facilius ad aegrorum lectos, quam ex descriptionibus obscuriores differentias capi posse. Sed haec rei veritati non derogant. Quare paucis ostendere conabimur, magis forte cum theoria cohaerere illam de pulsibus doctrinam, quam quidem alias creditum fuit.

§. XXXIII.

Nervorum in circulum imperium. Singularis morbi historia.

Nervorum in cor et arterias, circulationem adeo imperium multa sunt, quae probant. Pulsus in inflammatione durus manifestus

x) Nou. obseru. circa crisl. praed. ex pulsu.

y) Recherches sur le pouls par rapport aux crises.

z) Nouvelles observations sur le pouls

a) Essai sur le pouls par rapport aux affections des principaux organes.

b) Nouveau traité du pouls.

c) In libro, quem inscripsit: Medicina ex pulsu.

d) Haller Elem. Phys. T. II. p. 272. Schaarschmidt. Semiotic. Sect. II. §. 2. 53.

e) Ill. Delius Programm. de pulsu intestinali. Et Ill. Hensdammus similia se deprehendisse mihi testatus est.

f) l. c.

nifesto arterias adsectas arguit, cum sola harum maior distensio, aut sanguinis crasis cum efficere nequeat; nam pulsus saepe cum duritate parvus est, et in parvis nervosarum partium inflammationibus parum sanguis mutatur. Noti quoque animi pathematum effectus sunt, quos hoc loco repetere non lubet. Vnicum tamen, quem Ill. Praeses, consueti cum benevolentia, communicavit, mirum casum nobilis adolescentis singulariter delirantis adduxisse iuvabit. Subito hic, post leuem iracundiam, corripiebatur horripilationibus, et deinde animi deliquio aliquoties repetito, quod convulsiones excipiebant enormes, cum intermissis deliriis et clamore horrendo, in emprosthotonum cum opisthotono alternantem desinentes. Illis cessantibus aeger, licet alieno loco degeret, tamen delirare coepit, domi se suae esse. Primum itaque cum matre dulcissima calidam bibebat; post cum patre ac reliquis amicis venatum ibat, singulis opportunos locos assignabat, et ipse quoque stationem suam singulari cum attentione tenebat; mox quasi ceruunt vidisset, tela in eum emisit, multum sibi gratulatus, quod tam feliciter bestiam tetigisset; inde reuersus ac prandium instare ratus, recitatis prius scylitis precibus, veluti praesentes cibos haberet, dissecare, manducare. et eo quidem ordine, quo cibi adferri solent, coepit. Vltimum, quod somniabat, erat, concentui se musico interesse, quem parens quotidie instituire solebat. Partitis igitur inter consuetos oitharodos auloedosque chartis, ipse chordas pollice praetentabat, ad sonos tiliarum adcommodabat, omnesque hominis fidibus canentis actiones adcuratissime exprimebat, ceteros velut praesentes mox laudabat, mox corripiebat, unaque parte finita, alteram, quam nominabat, inchoari iussit. Id ubi obseruauit. Ill. Praeses, arrepto de proximo conclau instrumento, discordantes quosdam sonos fidibus edidit. Mox ille furibundus de lecto prosiit, occisurus eum, qui gratam suam harmoniam turbaret. Tum amicos aliquot conuocauit Ill. Praeses, qui variis instrumentis concinerent, ipse vero aegri manum prehensens pulsum attente explorauit, cumque mox celerem mox tardum pro ratione concentus, deprehendit; neque id vna sed repetitis vicibus obseruauit. Manifesto nervorum in circulationis organa effectus indicio. Hoc stadio praeterlapso, cum matre, sororibus, aliisque amicis confabulabatur, iisque charac-

Ætates hominum, quibus cum tunc præcipue conuersabatur, adeo accurate deferrebat, ut vel hac ipsa delineatione singuli inter nosci potuerint. Tardum facie tumida et rubicunda, venisque capitis insatis in profusissimum sudorem incidere ac dormire incipiebat, sicque vnus paroxysmus finiebatur, qui fere quotidie, eodem deliriorum ordine redibat, donec aegro a parentibus in alium locum translato nil amplius Ill. Praefes de eo audierit. Addere oportet, malum, quod taenia exasperabat, ex haereditaria dispositione ortum fuisse, cum hoc temperamentum aegri melancholicum, matrisque adfectus similis ei quem choream S. Viti dicunt, illud et reliqua symptomata, et quod ultimo comperiit Ill. Praefes, pars tæniae abrupta et ante aliquod tempus excreta, omnino euincere videantur.

§. XXXIV.

Pulsuum organorum ratio.

Restat, ut ostendamus, qua ratione fieri possit, ut nervi mutationem in aliqua corporis parte factam *peculiaribus characteribus* pulsui imprimant. Nervorum adfectiones a sola pressione deduci posse, quae vel forinsecus adveniat, vel in ipsis nervorum vasis sedem habeat, Ill. Inflammus g) auctor est. Has autem adfectiones ulterius et in ipsa circulationis organa propagari (§. praec.) fuit expeditum. Si ergo nervi, in viscerum praesertim, quibus molliores sunt, aegritudinibus semper alio modo premantur, harum quoque pressionum talis fiet propagatio, ut alia sit illorum in pulsuum actio, dum hoc, alia dum aliud viscus laborat. Reuera autem in partibus diversae nervos adfici, ex iis, quae superius (§. 30.) de varia fluidorum celeritate fuerunt dicta, sponte fluere videtur. Nam suos nervi ramulos a proximis vasis habent, h) hinc celeritas fluidi in iis moti respondet celeritati in ipsis his vasis, et in singulis partibus diversa erit. Sed huius celeritatis in statu naturali, ubi libere fluida moventur, nullus in latera erit effectus, hinc etiam in proximam medullarem fibram nulla actio. Quam primum autem praeter naturam fluida moventur, crescit actio in parietes, in subiectas adeo fibras medullares, quae notabiliter inde adficiuntur

g) Dissert. de vas. nervor. et in tractatu germanico idiomate scripto; *Vergleich einiger praktischen Anmerkungen über die Nerven.*

h) Ill. Inflamm. Dissert. de vas. nervor. §. 8.

tur i). Quoniam vero in statu naturali celeritas diversa est, eius quoque ab hoc statu alienationem variare, facilis est coniectura; cumque ab hac pressio dependeat, diversimode in singulis partibus premi nervos atque addici consequens est. Nonne pulsus etiam in similitudine ad instantes vel praesentes evacuationes variatio hanc theoriam confirmare videtur, siquidem omnem evacuationem praecedere et comitari debet maior adfluxus et congestio humorum quae non aliter, quam premendo agere potest. Quid aliud crises sunt, quam salutare materiae morbosae ab adfecta parte auulsae excretionem! Nonne igitur pressionis pars tollitur et alio transferitur? An non inde pulsus explicatio et mollior? Cur instante crisi sit pulsus perturbatio, inaequalitas? Quia vi vitae validius mota materia successivo quodam impetu neque eo aequali promovetur, cum mobilior pars utique liberius per ramulum suum urgeatur, quam minus mobilis, ex quo impetuosior inaequalis pressio sequitur. Vnde pharmacorum in pulsum efficacia? Ab immediata vel mediata eorum in fluida actione, qua horum motus liberior redditur, pressio imminuitur.

§. XXXV.

Licet autem satis probabiliter internarum partium in pulsum actiones sic fuisse explicatas putemus, multum tamen abest, ut eiusmodi, quod protulimus, esse credamus;

quod non Iovis ira, nec ignis

i) Nec poterit ferrum, nec edax abolere vetustas.

Sed probabilitatis factorum probe gnari id modo proposuimus, exactius a doctioribus examinandum, cum certe rei dignitas ulteriori indagine mereri videatur. Quam ex Cl. Menuretto explanationem refert Wetschius, k) qua soli nervorum ex qualibet parte notabili ad arteriam abeuntium tensioni omnia tribuuntur, mancam esse, quivis facile perspiciet, qui quam parum in nervos tensionis suspicio cadere possit l) considerabit. Nec a generalibus circulationis legibus, ad quas feliciter Cl. viri m) quosdam pulsus exegerunt, omnia pendere, minuti topici morbi arguunt, quibus nihil fere in universam circulationem efficacie est. Quare sola restare videtur propria cuilibet parti circulatio, mutationem eam in nervis efficiens, qua certas pulsui modificationes impertit, ut tamen praeter celeritatem ipsa vasorum nervorumque structura et distributio, atque fluidi tenuia vasa persluentis natura, diversitate efficiantur. Sed subtilior disquisitio nostri non est instituta, et ista saltem indicasse coronidis loco sufficit. Tu interim amice lector

Si quid nonisti rectius istis,

Candidus imperti, si non, his utere mecum.

i) Ill. Henslamm. Versuch einiger practischen Anmerk. über die Nerven. §. 78.

k) Medicina ex pulsu, p. 224. l) Ill. Henslamm l. c. §. 63. 76.

m) Ill. Delius Program. de pulsu intestinali.

Pag. XXII. not. t. lin. 3. post *circumferentiae* intertere: vt 1; 2, et massae quae areas replent.



PRAENOBILISSIMO DOCTISSIMOQVE

MACKIO

S. P. D.

PRAESES.

Magna cum delectatione, MACKI DOCTISSIME, egregium TVVM legi libellum, quo diversam sanguinis in diversis vasis moti celeritatem exponis. Reddo TIBI illum, qualem mihi tradidisti, id est, qualem IPSE elaborasti; atque eximium hoc specimen, quo publice ostendis, TE dignum omnino esse summis in arte salutari honoribus, a Facultate nostra TIBI decretis, ex animo gratulor. Maie esto virtute TVA, eiusque praemiis, TIBI conferendis! Perge, sicut instituisti, atque vberimos expecta conatum TVORVM fructus, quos cum solida TVA eruditio, tum ingenii dotes, quibus ornatissimus es, TIBI promittunt. Vale. Dabam d. xx Dec. cioMccclxxiiii.



